

四庫全書考證

三四



四庫全書考證

(四十三)

王太岳等纂輯

叢書集成

初編

主編者
王雲五

商務印書館發行

四庫全書考證卷八十五

集部

淦水集

遺山集

稼村類稿

月屋漫稿

牆東類稿

桂隱文集

桂隱詩集

水雲村稿

屏巖小稿

紫山大全集

松雪齋集

小亨集

養吾齋集

雙溪醉隱集

秋巖詩集

蘭軒集

中菴集

灝山集

勤齋集

槩庵集

道園學古錄

大隱居士集

伊濱集

剩語

澄水集 金趙秉文撰

卷一

性道教說雅言原本言訛之今改。

庸說然則夷惠非邪原本惠訛齊據上文改。

詠歸辭娛曾點之舍瑟原本娛訛悞又陸有下澤水有方舟原本下訛不方訛芳今並改。

卷二

大椿賦是以江夏爲鼻祖小山爲外孫者邪原本下爲字訛之據上句改。

栖霞賦友麋鹿兮侶猿鶴原本友上衍有字今刪。

叢臺賦或爭桑以延敵兮原本以訛於今改又噫翟犬之夢兆兮原本犬訛丈據史記改。

海青賦風毛磔裂原本磔訛礫又似吳宮之教戰原本脫教字今並改增。

感華山懷古賦或啓其心或基其謀原本基訛甚據文選改。

攬蓬賦根塵淨而性空兮知見無而體常原本無而二字互倒今改。

心靜天地之鑑賦心靜則天地流通原本地下衍之字今刪。

卷三

雜擬其三。晴替迷山阿。原本。晴訛晴。今改。又按晴替。全金詩作晴睨。與此異。

其八。天寒馬毛縮。原本。毛訛屯。今改。

分韻賦雪。思遠昏鴉飛。原本。遠訛遠。據全金詩改。

海月一經上下波心白。原本。經訛輕。據全金詩改。

題楊祕監畫馬。時手畫皮嘆奇績。原本。手訛于。據全金詩改。

傲摩詰獨坐幽篁裏。西日半銜峰。案半銜。中州集作隱半。

涿郡先主廟。其一。野農復何知。尙說官家好。原本。知訛如。又筵卜傳神語。原本。筵訛籓。並據全金詩改。

從帥府謁太清宮。窅窅壺中境。原本。窅訛窗。據全金詩改。

卷四

和淵明擬古。其三。俯視但一氣。二豪彼何如。原本。二訛一。據中州集改。

其四。仙心厭明堂。案仙心厭。中州集作蘧廬視。又歸來越河關。原本。河訛何。據中州集改。

中秋。吸此風露魄。洗我芥蒂腸。向來功名心。一笑冰沃湯。案芥蒂。中州集作冰炭。冰作雪。又胡爲寘冰。

炭。案冰炭。中州集作熱惱。俱與此異。

南麓畫華清宮圖。龍岩幾度過華清。原本。度訛渡。又畫詩雙絕兼書工。原本。詩訛時。今並改。

送雷希顏之涇州錄事。東風吹百草。案東風吹。中州集作嚴霜枯。與此異。

做玉川子沙麓雲鴻硯屏。但書日有食之既。原本。日有訛有月。據春秋改。又史蘇發占又端策。原本。又訛文。據全金詩改。

題楊祕監雪谷曉裝圖。千古笑枯槁。原本。枯訛語。據全金詩改。

冷巖行。原本。巖訛山。案堯山堂外紀。司馬永貞自號冷巖。周昂亦有冷巖行。今改。

和淵明歸田園居。其四。堂堂鳩林師。法喜以爲娛。原本。法訛注。據全金詩改。

題巨然雪巖老柏圖。巨然袖中董源筆。原本。源訛元。今改。

侯公雲溪圖。罵賊嚼齒欲透斷。原本。斷訛斷。又殿前論事氣益振。原本。前訛氣。並據全金詩改。

中元夜對月。當年誰所種。翳此天工瞳。原本。翳訛醫。據全金詩改。

其二。空中步虛聲。原本。空訛無。今改。

卷五

渡水僧。其二。一僧杭中流。原本。杭訛亢。據全金詩改。

含元殿。秦山從北來。原本。北訛此。據全金詩改。

游華山。寄元裕之。一杯未盡陰霾收。原本。霾訛靈。據中州集改。

做淵明自廣。况復眼半昏。文字宜少覷。原本。覷訛戲。據全金詩改。

和淵明飲酒。其六。縱橫挾造化。原本。挾訛學。據全金詩改。

擬詠夜闌盡玉爐灰。原本爐訛燼。據全金詩改。

送麻徵君知幾。旁觀信美矣。違己非病歟。原本美訛靈。據全金詩改。

卷六

謁北嶽帝籙常山祠。原本常訛長。今改。

雪霽雨砌晴猶滴。風簷落更飛。原本猶訛先。據全金詩改。

野菊路斷秋光隔。山明水影交。荒叢鳴蟋蟀。寒葉掛蠨蛸。案路歸潛志作岡。山明水作河明月。鳴作號。寒作病。並與此異。

河上早愛沿河麥。晴憐喚雨鳩。原本沿訛顏。今改。

卷七

登友雲亭。九日朱絃和鴈斷。開年黃菊費詩催。淮天雨露檣千里。梁地風烟酒一杯。原本詩催二字互倒。又檣訛橙。並據全金詩改。

南園青林路轉礙幽關。原本礙訛疑。今改。

金蓮川一望金蓮五色中。原本望訛色。金訛天。五訛玉。並據全金詩改。

題郝運使榮歸堂。雨霽陂田出。原本霽訛慘。據全金詩改。

白塔原本白訛百。據全金詩改。

杏花香傳微雨隔簾櫳。原本香訛看。據全金詩改。

卷八

和子約立春。泰和三年調玉燭。案和字失粘。全金詩作定。係元泰定帝年號。亦非。考歸潛志。趙秉文以天興元年四月卒。年七十三。則是生於金世宗大定二年。以中間所歷年數推之。此當是宣宗興定二年。

全金詩所據本。誤興爲泰。此本又誤定爲和耳。今因傳譌已久。姑仍其舊。

湧雲樓雨。其二。雷聲驅雨東山去。留下斜陽恰半樓。原本留訛指。據全金詩改。

宿王佐宅。原本脫宅字。據全金詩增。

送人之河中。試看鐵牛無用用。案下用字。據全金詩作處。與此異。

卷九

淨安寺紫臘梅。倩誰傳語主林神。案主。全金詩作玉。與此異。

題東巖道人讀書堂。名字不妨從我改。更稱元子讀書山。原本妨訛經。據全金詩改。

卷十

擬元稹長慶新體。戒諭罷儒者。託疾病以廢事。刊本。事訛庶。今改。

上尊號表。神鳳翔于磁郡。原本。神訛伸。又皇威所及。原本及訛殺。今並改。

皇妃起居表。王業所基。原本缺業字。今補。

百官起居表。廣汾水秋風之作。忝預羣官。原本。忝訛祖。今改。
封冊高麗王謨冊文。女有良翰。原本。翰訛幹。據毛詩改。
參知政事李蹊。授左丞誥。原本。知政二字互倒。今改。
道陵眞妃制。宜命數之陪敦。原本。陪敦二字互倒。今改。

卷十一

姬平叔墓表。公壽之孫。原本。孫訛初。據上下文改。
張文正公碑。其後公繼之。承平垂三十年。原本。承訛前。今改。

卷十二

廣平郡王完顏公碑。周勃之忠。不過爲功臣。原本。功訛忠。今改。

卷十三

適安堂記。許昌任君子山。原本。任訛仕。又升之則爲雨露霜雪。原本。升訛外。今改。
湧雲樓記。阜落之山。晉陽之泊。原本。晉訛昔。據全金詩改。
葉縣學記。父母能育之。不能教之。原本。育訛有。今改。

卷十四

西漢論。然則衛霍之將也。非乎。原本。衛訛魏。據漢書改。

東漢論。迨至孝安納王聖樊豐之譖。原本樊訛焚。據後漢書改。

蜀漢正名論。蜀攻吳。戰於夷陵。原本戰訛攻。據三國志改。

知人論。然則何以知小人與君子。原本與訛而。今改。

侯守論。七國之難。原本七訛亡。又且郡縣之制。可以大治。亦可以大亂。原本制訛治。今並改。

卷十五

箋太元贊引。以平子不敢輕議太元。而後儒非之。恐入率易。原本入訛幾。今改。

卷十七

御史箴。如準之平。原本準訛繩。今改。

闕里升堂圖贊。何闕里之洋洋。原本何訛河。里訛望。今並改。

卷十八

宣宗諡議。亭毒之宰藏於密。而其功見於四時。原本宰訛功。又釋下邳之叛卒。原本釋訛失。今並改。

卷十九

相府請王教授書。方屬春寒。善加調攝。原本闕寒字。今補。

答李天英書。過望點化。僕非其人。原本過訛遇。又人烟墨淡。樵逕雲深。原本淡訛深。今並改。

卷二十

書雷司直奏牘後。此特人欲蔽塞深固。原本特訛時。今改。
題三仙帖。東坡書如魏鄭公。古之遺直。嫵媚可愛。原本脫公字。今增。

遺山集 金元好問撰

卷十一

杏花雜詩。燕子銜將春色去。錯教人恨五更風。原本教訛交。今改。

卷十四

喬夫人彩繡仙人圖。青紅未是春風巧。一頰椒花更有餘。原本椒訛根。今改。

卷三十二

東平府新學記。侯名澄。七歲入小學。原本脫澄字。據別本增。

卷三十四

濟南行記。土人能指其處。原本指訛投。今改。

稼村類稿 元王義山撰

卷五

劉梅南詩集序。雖蓮花號曰君子。原本蓮訛君。今改。

卷八

龍興重修敷佑中廟碑。復罹於兵。鬱攸從焉。原本從訛崇。據左傳改。

卷十七

九卦十二卦。日中爲市。而致天下之民。原本致訛教。今改。

卷十八

伊尹曰。天之生此民也。節人但知君子以常德行。習教事。原本脫行字。今增。

卷二十二

賀李肯齋除將作監兼京尹。遂爲朱幡皂蓋而來。原本幡訛陵。據後漢書改。

卷二十五

代謝江西倉趙端齋辟正將。仲淹有胸中百萬兵。原本脫淹有二字。據宋史增。又圍碁而勝者。原本碁

訛楊。據晉書改。

月屋漫稿 元黃庚撰

秋興興動蓴鱸欲歸去。季鷹心事却相同。原本季鷹訛李膺。據晉書改。

牆東類稿 元陸文圭撰

卷五

送曹士開序。原本。曹作曾。案士開名伯起。至元中爲西臺御史。集中有和曹士開侍御見寄韻詩。今據改。
送家鉉翁序。原本。家訛宋。今改。

卷九

跋蔣民瞻詠史詩。漫賦閒居誇止足。白頭終負太夫人。原本。居訛情。據潘岳賦改。

桂隱文集 元劉詵撰

卷一

歌風臺賦。茲非會垂還師。慷慨言懷者耶。原本。垂訛稽。據漢書高帝紀改。

卷三

慰羅元夫小東筍盤之饌。板輿之奉。原本。板訛柳。據文選改。

桂隱詩集 元劉詵撰

卷四

九日歲月蹉跎供客老。心胸壘塊倩誰澆。原本壘塊訛磊落。案詩意用世說王忱語。今據改。

水雲村稿 元劉壎撰

卷二

大田廣佑廟碑。乃臍蠻耆明之若是。原本蠻訛響。今改。

卷七

書南居陳君丁亥集後。陳慶之之四十七戰皆捷。原本戰訛載。據梁書改。

卷十三

鄉飲酒議。故坐賓於西北。而坐介於西南。原本介訛賓。據禮記改。

屏巖小稿 元張觀光撰

漫述。何用多藏鄆塢金。刊本鄆訛都。據後漢書改。

紫山大全集 元胡祇遹撰

卷七

題雪谷橫披圖序。此賀真筆也。原本真訛直。案賀真以畫名。宋宣和時人。今據改。水調歌頭。冥冥造物。雲龍風虎。又贅緣。案水調歌頭後段。第四五句。有上四下七者。如盛景年。一觴一詠。風流不減晉人賢是也。有上六下五者。如元好問。長松夜半悲嘯。笙鶴下遙天是也。今集內同一調。而亦自不同處。如前三詞內。將心自遊漠漠。屈蟠不生春。尊前共花傾倒。一醉洗閒愁。尊前怨思兒女。向我訴衷情。皆上六下五。此則上四下七。是詞家所謂又一調者也。

摸魚兒。憑誰問。見棄宣和花譜。應爲孤高自誤。昇平枕上溫柔夢。不到琳宮仙府。仍爲汝。待安排。軟金羅幕重遮護。秋霜良苦。怕清夜無人。天寒翠袖。孤影更衰素。案見棄宣和花譜句下。應有六字。叶一句。如辛棄疾之準擬佳期。又誤。蛾眉曾有人妬。晁補之之休憶金閨故步。儒冠曾把身誤是也。此詞原本。應爲孤高自誤一句。誤在仍爲汝之下。反致待安排句。又不入調。今據調移在見棄宣和句下。而仍爲汝句下。直接待安排句。方於詞譜有合。

卷十四

跋李伯時孝經圖。原本經訛孫。據書畫譜改。又跋中稱雖經臨摹。終可珍愛。則題中似尙有脫字。今無別本可校。姑仍其舊。

卷十八